



Agency for Development of Higher Education and Quality Assurance

Broj: 05-33-1- 1-16/12
Datum: 16.09.2014. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br.29/02, 12/04, 88/07, 93/09 i 41/13), a u vezi sa članom 49. alineja 8 Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji visokoškolske ustanove JU „Univerzitet u Zenici“, Zenica, a na osnovu zaključka sa 16. sjednice Stručnog kolegijuma Agencije, održane 16.09.2014. godine, direktor Agencije donosi:

RJEŠENJE

U Državni registar akreditovanih visokoškolskih ustanova u Bosni i Hercegovini, izvršiti upis visokoškolske ustanove JU „Univerzitet u Zenici“, Zenica.

Za izvršenje rješenja zadužuje se Sektor za obezbjeđivanje kvaliteta.

Obrazloženje

Na osnovu prijedloga Komisije za ocjenjivanje usklađenosti rješenja o akreditaciji visokoškolske ustanove JU „Univerzitet u Zenici“, Zenica, da se izvrši upis visokoškolske ustanove JU „Univerzitet u Zenici“, Zenica, u Državni registar akreditovanih visokoškolskih ustanova u Bosni i Hercegovini, te nakon uvida u Zapisnik Komisije koja je, u skladu sa Instrukcijom o načinu ocjenjivanja usklađenosti rješenja o akreditaciji s minimalnim standardima iz oblasti visokog obrazovanja i kriterijima za akreditaciju visokoškolskih ustanova u Bosni i Hercegovini, broj: 06-02-1-766/11 od 04. 11. 2011. god., izvršila ocjenjivanje usklađenosti rješenja o akreditaciji JU „Univerzitet u Zenici“, Zenica, sa Odlukom o normama kojom se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10 i 44/13), te zaključka sa sjednice Stručnog kolegijuma Agencije odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Dostaviti:
1. Sektoru 05
2. a/a

